

BUREAU OF  
AMERICAN ETHNOLOGY  
1890  
LIBRARY

# Anpao Kin.

## THE DAYBREAK.

"Wankantanhan Anpao kin hiyounhipi."—Luke 1. 78.

VOL. XV

FOREST CITY, S. D., SEPTEMBER, 1890.

NO. 12

### ANPAO KIN.

ANPAO KIN wi iyohina, wiyawapi anpetu tokaheya eca mazaakdirpeyapi.

Wi XAKPE on kapi, qa wi iyohina akezeptan (15) aokpani xni, ptayena partapi, wicacaje wanjina ekta hiyukiyapi kta cinpi kinhan, icupi kin iyohina kaxpapi wanji (10c) on kafujupi kta.

WIKAKPE on kapi, qa wi iyohina wanjina icupi kta cinpi kin, kaxpapi wanji aanm okise (15) on kafujupi kta.

Icupi xni itokab kdafujupi kta.

Wowapi askabyapi makaxana wanji qaix nonpa owapi kin, mazaska eekiya, ANPAO KIN opeton okihipi kta.

Tawa wowapi kagin kta ca wowapi ska eani el owa kta.

Opetonpi kta wowapi hiyukiyapi qaix ed taku oyakapi kta cinpi na hiyukiyapi ca, wowapi ojuha akand deced owapi kta.

REV. E. ASHLEY,

CHEYENNE RIVER AGENCY, S. D.

#### Yawaxteya Cajeyatapi Wowapi Wan.

ANPAO KIN icikoyagunyanpi qa wicoran waxte econ iyounpaxtakapi kta wookihii yuha. Okodakiciye-wakan opapi tka abebeya tipi kin, hena iyotan taokiye waxte heca kta. Bixop waun kin eciyatanhan, taku ecamon onxaxpa oyakapi qa taku bduotanin kta wacin kin hena owasin, qa Tipiwakan iyaza omawani woxakapi kin hena, qa nakun Okodakiciye-wakan kin wotanin tawa toktokeca ed kagapi kta. Oyate unkitawapi kin owasin ANPAO KIN icupi qa sanm wicaxa tokeca wicacupi uln ecanmi.

W. H. HARR,

Yewicaxipi Bixop

#### ABLEZA PO!

Convocation econpi icunhan, St. Andrew Sunkakiciyapi kin etanhan Provincial Chapter kin mniciyapi icunhan taku cajeyatapi na iwokiciglakapi kta cin he lecetui.

Tokaheya mniciyapi kin el Bishop unkitawapi kin wahokonwicakiiyin kta. He ohakab omniciye kin el na tona econpi kin el ihukuya owapi kin he owecinhan yuha skanpi kta waste iyucanpi.

1. Wowahokonkiye: Christ Tokiconze yuicagapi kin.

Address: Spread of Christ's Kingdom, Mr. Stephen Blacksmith.

(a.) Iwoglakapi kta: Woecon he taku he.

Discussion, What is Service? The Rev. P. I. Phillips.

2. Wowahokonkiye: Sunkakiciyapi kin na Wowapi Wakan kin.

Discussion, The Brotherhood and the Bible.

[Tuwe kte kalinigapi kta.]

(b.) Iwoglakapi kta: Wocekiye he taku he.

Discussion: What is Prayer.

3. Wowahokonkiye: Tokaca wicasa wacekiye yapi sni he.

Address: Why men do not go to Church, Rev. W. Holmes.

(c.) Iwoglakapi kta: Omniciye sni iyokogna, opapi kin tokel econpi kta iyececa.

Discussion: What should members do between meetings.

4. Wowahokonkiye: Sunkakiciyapi kin na Wocekiye Wowapi kin.

Address: The Brotherhood and the Prayer Book, Rev. E. Ashley.

(d.) Iwoglakapi kta: Oaletka omniciye econpi kin tokel iyotan tanyan econpi kta.

Discussion: The best way to conduct Chapter meetings.

5. Wowahokonkiye: Toked econpi qa St. Andrew's Sunkakiciyapi kin sanpa icagin kta he? Rev. E. Ashley, Speaker, Pres. Prov. Chapter.

6. Wowahokonkiye: St. Andrew's Sunkakiciyapi kdubapi kta iyececa he? Rev. Joseph Goodteacher, Speaker.

7. Wowahokonkiye: Wipiiciidapi Womnanye he tukte okna econpi kinhan Provincial Chapter iwaste kta he? S. C. DeFond, Speaker.

#### OKOLAKICIYE WAKAN WOTANIN.

Bishop Graves, Limerick, Ireland etanhan lecala fa. He Ireland okolakiciye etanhan bishop heca.

China makoce kin el Christian unpi kin wanna wicohan tawapi kin ocib ables ayapi. Lakaš wocekiye oyanke wanji el tiyopa awanyake cin iyepi kin wanna kicicajujupi kta, nahan Deacon tawapi kin wiši tawa okise qupi kta iglustanpi.

Cape Palmas, Africa el, wicasa watoglapapi kin wocekiye oyanke wan el tipi wakan wan ihangyapi na wicasa wakan wan cinhintku kin he ktepi.

United States el Yewicaxipi obaspe iyotan tanka kin he Salt Lake obaspe kin hee. Hel wicasa koktopawinge opawinge yamni unpi, na hena etanhan koktopawinge opawinge nonpa Mormon hecapi.

Ireland el Bishop wanji wanna waniyetu wikcemna nom sanpa

šaglogan Bishop heca na lecala enakiye.

Mašte makoce kin ekta na Šahiena na Mahpiyato oyate egna Okolakiciye škan kin el lecala Lowan obe wan, hoksila na wicincala ko, skaska igluswicakiyapi, na tanyan lowanpi keyapi. Lena Ikcewicaxapi hecel ito Lakota ekta tona heca oyapapi kta nicopi kin tanyan econ wecin pol

Western Virginia obaspe kin he lecala Bishop ookiye wan kalinigapi na he Rev. W. L. Gravatt eciyapi.

Tokata October wi kin icunhan New York otowwe kin el Ha sapa egna wowašije wakan econpi kin he mniciyapi kta na tokaheya econpi kte cin el Bishop Potter, New York obaspe kin etanhan wahokonwicakiiyin kta.

Tokata September wi-wiyawapi 21 kinhan hehan Rev. J. M. Francis, Indiana obaspe kin on, Bishop yuwakanpi kta.

Le omaka kin icunhan wicasa na winyan ota maka owancaya yewicaxipi wicohan el iyayapi, na itokab omaka wanji ca tohinni iyena yapi sni keyapi.

Hekta lecala St. Paul, Minn. el Nogeppapi kin omniciye econpi. Eya wiyutapi on wahokonwicakiiyapi na woglakapi, nahan tona wowapi onspepi kin he on wokiciglapapi ece. Wicasa wakan nogekpapi unkitawapi kin omniciye kin he opapi na Bishop Gilbert kicopi na iye wahokonwicakiiye.

Okolakiciye toktokeca etanhanhan wicasa wakan ota titokan glipi kta cinpi tka eyapi.

Springfield obaspe kin el Bishop ookiye yuhapi kin he lila wazanke na heon wiakenonpa asniiciye šipi, hecel wanna minwanca kowakata iyaye.

Australia el St. Andrew Sunkakiciyapi kin he icage na wanna Chapter napciyunka yuhapi na yamni Chapter hecapi sni eša ogna skanpi. Iyunkan lecala Melbourne otowwe kin el ataya omniciye econpi na iyokicipaštakapi kte cin on woeye wan "Wo-

waši econ po, hanhepi u lakaš" hekiciyapi.

Lent akilianičiyapi qon na tipestola etanhan mazaska 86,148.-30 mnayanpi, na tokeša Missionary Council econpi sni ecel koktopapinge wanji icupi kte iyucanpi.

Tuktektel wicasa wakan hunh wowapi yawa sni unpi tka tona toyatepi kin icagapi kta cinpi kin ijehan wowapi wakan etanhan woonspe glamnapi kta cinpi ece, na tuwa waonspekiye wayupike cinhan tawoonspe yawapi. Nahan akeš wicasa wakan sam waonspepi kta e bloketu cana otowwe wanjikji el wayawapi kte cin on himniciyapi. Hecel le bloketu kin heca lila econpi.

India makoce kin el okolakiciye tokeca wan hel škan kin etanhan woyakapi na lecala Christian hecapi kin wicohan kin he sam lila okiyapi kta e mazaska kpatanpi kte cin on anpetu šakpe mini ece yatkanpi na aguyapi ecela yutapi, na heconpi kin on iyohila mazaska nonpa yuzapi na etanhan wotanin waste okage opawinge topa opetonpi na sam wicakipamni.

Bishop Funstan, tuwe lecala Boise obaspe kin on yuwakanpi kin wanna obaspe tawa kin el ya na tokaheya Susuni oyate kin wanwicayag hi kta keyapi.

New York State el wowašije wicasa na wowašije ecawicakiconpi om akinicapi ece, hecel tohan taku akinicapi kinhan wolakota kta on Bishop Potter wawiciya yuhapi kta kalinigapi.

Bloketu kin le Owakpamni wanjikji el Fourth July woškate nahan icunhan wacipi keyapi. Wacipi kin icunhan hehan sunkawakan itukicilanpi. Woškate kin he Okolakiciye wakanpi opapi kin etanhan hunh opapi na šunka wakan itukicilanpi kin he icupi. Akeš wocekiye opapi kin woškate wanyag najinpi icunhan sunkawakan itukicakilanpi kin icupi sni keyapi. Iyunkan icupi sni kin on woakinica wan icage sece. Lakaš icupi sni kin on tanyan econpi sni hunh eyapi, na ake hiya, tanyan econpi lo eyapi. Heon etanhan wiblukcan na toketu hwo epece. Ito wawimonge kta wacin. Wocekiye opapi kin wowaci el opapi, naiš wanyag najinpi, naiš taku ituwicakilanpi kinhan icupi kta iyecetu hwo. Ho taku kin le wowiyukan heca naceca, hecel tuwa tanyan ableze cin unkokiyakapi waste kecanmi. —Wawiyunge cin.



# THE DAYBREAK.

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

Fifteen or more copies to one address for six months, 10 cents each.

All subscriptions and matter for publication should be addressed to

REV. E. ASHLEY,  
Oheyenne River Agency, S. D.

## Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,  
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

## OKOLAKICIE WAKAN WIYAWAPI.

September wi kin.

3. Yamni ohakab Anpetu Wakan Iaketopa ..... To
10. Yamni ohakab Anpetu Wakan Iakezaptan ..... To
15. Convocation kin himnicia-pi kte.
17. Yamni ohakab Anpetu Wakan Iakesakpe ..... To
20. Ember Anpetu ..... To stan
21. St. Matthew Wahošiyen kin Taanpetu ..... Sa
22. Ember Anpetu ..... To stan
23. Ember Anpetu ..... To stan
24. Yamni ohakab Anpetu Wakan Iakesakowin ..... To
29. St. Michael na Ogligle o-yasin ..... Ska

## Wotanin-waste Ayapi On Wocekiye.

Anpetu iyohi wicokaya he cin ehan, heyapi kta:

Wanikiya waste isto wacantkiya nitawa kdugad, canicipawega akan okeyahan yaun tka qon, maka akan wicaa un kin owasin Niye ekta etonwanpi qa niwicayapi nunwe. Amen.

Okolakiciye Wakan Wiwicawangapi Wan Woonpe Iwikemna topa sanpa zaptan.

## Ember Anpetu

W. Ember anpetu kin hena watohantu he.

A. Wetu, blokatu, ptayetu na waniyetu behantu, na ehamni anpetu kin hena "Makoncage topa kin on akilaniyapi anpetu" cajeyatapi.

W. Ember anpetu kin hena tukte he.

A. Lent el Anpetu Wakan tokaheya kin, Anpetu Wakan Ska kin, September wi wiyawapi iakezaptan kin, na December wi

wiyawapi kin iyohakab, Wednesday, Friday na Saturday (Anpetu iyamni, izaptan, na owanka yujajapi anpetu) kin hena ee.

W. Tokaca akilaniyapi kta anpetu kin hena kaliniyapi he.

A. Icin anpetu kin hena ohakab Anpetu Wakan kin iyehean tuwewe Wicaa Wakan wicakagapi kta e kaliniyapi.

W. Anpetu kin hena on Okolakiciye Wakan kin tokel tawacin he.

A. Tona Okolakiciye opapi kin, anpetu kin hena icunhan, tona Wicaa Wakan wicakaliniyapi kin, Taku Wakan owicakiy kin kta e, akilaniyapi na wacekiyapi kta cin wicakico.

W. He eciyatanhan Wowapi Wakan el tokel onspeunkiyapi he. Olan. W. 14.

A. Wahošiyen Wakan kin tuwa Wicaa Wakan wicakagapi kta e, akilaniyapi na wacekiyapi on Itancan kin wicayawaste kta icekiyapi.

## Rogation Anpetu

W. Rogation Anpetu kin hena taku he.

A. Ascension Anpetu itokab anpetu tokaheya, inonpa na iyamni kin hena ee.

W. Tokaca hecel cajeyatapi he A. Wicoie wan Rogare-Wakihapi-eyapi kin he etanhan.

W. Otokahe ekta, anpetu kin lena icunhan, Okolakiciye Wakan kin tokel econ he.

A. Icinhan Litani (Wocekiye) eyapi nahan akilaniyapi.

W. Lehan Okolakiciye Wakan opapi kin tokel econpi kta cinwicakiyapi he.

A. Omniciye tanka (General Convention) kin he Wowahokonkiye (Homilies) kin hena yawa-wicaa qon ognayan iyehean akilaniyapi na sam lila wocekiye eyapi kta wicaa.

## Ascension Anpetu

W. Christ malipiya ekta iyaye con tohan Okolakiciye Wakan kiksuya he.

A. Kini qon ohakab anpetu wicemna topa. Olan. W. 1, o. 3.

W. Christ ehake waonspewicakiye itkowicakipe con wowaake taku wicaku he. Mark. 16: 17, 18.

A. Wowapetokeca econpi kta, wakan sica napewicayapi kta, wayazankapi asniwicaye kta, na wicaceji toktokeca on napi kta e wowaake kin hena.

W. Jesus tuktel owanji yanke wicaa he.

A. Wankantanhan wowaake icupi sni ecel, Jerusalem el owanji yanke wicaa.

W. Heceel ewicakiye con hehan toketu he.

A. Hehan tankal awicahi Bethani hehayan, iyukan nape wicayuwinta na wicayawaste, na wicayawaste icunhan, yutokan ewicakiciyakupi na wakan malipiyata ayapi.

W. Waonspewicakiye cin wakan etonwanpi icunhan tuwa ca iglutaniyapi he.

A. Ogligle Wakan nonpa, na Jesus he malipiyata ekta wakan iyaye cin wanyakapi kin he iyeceel ake u kta, owicakiyakapi.

W. Lehan Jesus toki un he.

A. Wankantanka etapa kin eciyatanhan yanka na wocekiye unkekiciyapi kta e ohinni ni un.

W. Itancanunyanpi kin wan-

kan yin kte cin on, David, Psalm 68 el tokel eya he.

A. "Wankan yakiyagla, wayaka awicaglapu kin hena awicayagli" eya.

W. Wayaka awicaglapu awicayagli eyapi kin tokel kapi he.

A. He Christ tokel Satan na Wiconte kin ohiyewicaye cin, na tona wayaka unyuzapi kta iye ohije na wayaka wicayuze cin he kapi.

## Wowapi Wakan yawapi Wawokiya.

### Joel

1. Joel (Jehowa Wakantanka ee ee) he Reuben tiyospaye etanhan, na Pethuel cinca (1, 1); na Uziya taanpetu (B. C. 790-760 waothantu) škan, tka huni Hese-kiah taanpetu kin, na huni Manasseh taanpetu, akeš toktokeca Josiah taanpetu he ehan wokcan kecinpi.

2. Wowapi kin le taku oyake cin okiyuše nonpa yanke ca iye-nyanpi. (1.) Onšpa tokaheya kin el (Wico. 1-2, 17) psipsicala ota na wopuze tanka kiyek u kta he cajeyate, na hena akicita watakpe hipi kta he iyacin, "wazi-yata ozuye cin" he Asur taakicita kin hena ee, na heon Judah oyate kin woteli u kte cin he liabyapi kta e, woiyopeiciye, akilaniyapi, wocekiye ko econwicaa. (2.) Onšpa inonpa kin el (Wico. 2:18-3:21) woteli eekiya woyawaste wan, na wicacelpi oyasin akan Woniya akaštanpi kta iwahowicaye; na Jehoshaphat taoblaye el woyasu tanka yukin kta eša, Juda woyawaste wan yuba kta; na Edom na Egypt atakunni kta ešni eša, "Juda owihanke wanin ounyin kta, na Jerusalem wiconcage na wiconcage kin hehayan" he yaotanin.

3. Wowapi kin le cajeyatapi kin. St. Peter Pentecost anpetu he ehan (Joel 2:28, 29) Woniya kin he wicalica na lecalapi kin, taokiyen wica na winyan, awicakastanpi kta keye con he cajeyate, Olan. 2:16-21 el; na St. Paul, Roma oyate wowapi wicakicage cin el (Wico. 10:13) he Ikcewicaa wicakicopi kin (Joel 2:32) he cajeyate.

### Amos

1. Amos (Wocin he kapi) he Juda makoce kin el Tekoa otonwe kin Jerusalem etanhan malaiyutapi akenonpa yanke cin he etanhan, na waniyanpi wilanwicakiye, ca sukamin (sycamore) can awanyaka heca (7:14). Jereboam inonpa, Israel wicaayatapi kin, na Uziya, Juda wicaayatapi taanpetupi kin icunhan, he Beth-el ekta na hel ptejicala oholapi kin on wokcan kta e yešipi. Heceel Beth-el ekta owacekiye el iglutani, wicaayatapi itkokipin kta he on sni, tka Amaziah wawayuša kin tipi wakan kin etanhan najica si. Heon etanhan Amos, Amaziah wokiyake ca anpetu wan u kta na Asur wa-

yaka wicayuze kte cin ohakab, tawieu kin he wawiciliahapi econ kta (7:17), cinhintku na cunwin-tku kin miwakan on wicaktepi kta, na Israel iye tamakoce etanhan wayaka awicayapi kta, na iye makoce šapa el tin kta iwokecan. Beth-el ekta woyake cin na Samaria el wowijice, wowitkotkoce, wicohan sica tawapi, na walipaniciapi kin hena tehiya wicakuwapi on iyopewicaye cin ohakab Tekoa ekta gli, na. hel, taku tona Beth-el ekta ho kin on oyake cin he wowapi kin el ogwa.

2. Wowapi okage cin. Wowaši na can awanyaka wicaa wokcan kin le, makoncage wicohan kin ecehi cajeyata. Heceel "mnaja contanka etanhan hoton" (3:4); talica šunka waawanyake cin "mnaja i kin etanhan isto nonpa naiš nonge onšpa ikicicu" (3:12); "zitkala on gmunkapi ohinlipayapi kin" (3:5); "wošniya na aa" (4:9); "hokuwa hiškiyupi tawa" kin (4:2); "wayuksapi kte itokab wi yamni magaju" kin (4:7); "mnaja na wabanksica itkowicapa" kin (5:9); "wicaca-yatapi pejikasla, na inonpa ieage cin" (7:1); "wiyucan kin ogna wayucanpi kin" (9:9); "wayublu kin, wayuksa kin, na hastahanka našice kin" (9:13); "canpagnigma wan el aguyapi opakicapi kin" (2:13) hecekeel cajeyate.

3. Yuwitayapi. 1-2:3 el wokcan kin na Juda ko, oyate yanpi kin, Syria, Pl Edom, Ammon na alitani tawapi kin caye. II. Wico.

Israel na Juda—iyotan Israel—tokel unpi kin he oyaka, Samaria tokel woyasu akipin kta he yaotanin, na woteli, psipsicala watemyapi kte cin, aguyapi na minisa waničin kte cin on ceya. III. Wico. 7:1-9:10 el tokel Israel waakipin kta, Amaziah okiyake con, he wowanake zaptan on oyake. IV. Wico. 9:11-15 el woape na woiwahoye wicoie ehake tawa kin he, na David tawakeya hinlipaye cin piya eglepi kte, na ohanketa Wakantanka toayate wicakicyuacetupi kte cin he iwokecan. (Amos 9, 12, Olan. 13:13, 17 iciwanyakapi kte.)

Sagdaša Okodakiciye ekta yewicapi omniciye tawaniyetu opawinge kin, icunhan Bishop Whipple (Pahinhska) en tawowahokonkiye wan.

(Continued from Aug. number)

United States en Okodakiciye Wakan yanke cin en Bishop unpi kin hena towašakapi kin he wicohan wan ohna najinpi kin ohnayan Atowicayapi kin hee. Bishop wan iyotan waste kin he ateyapi wan iyotan waste kin hee. Ito decen epe kta e iyowinnmaya-kiyapi kta wacin, Okodakiciye Wakan kin de tukted oadetka yanke cin he United States en Okodakiciye Wakan yanke cin en



Bishop unpi kin hena awicakehan wicahduonihanpi qon he tuktedan iyehanyan econpi kepce sñi. Wanna waniyetu wikcemna tob Bishop waun unkan he icunhan wicašta wakan wicabduhe cin he wanji Wakantanka eciyatanhan wowahokonkiye ewakiye cin a-namagoptan sñi e weksuye sñi, unkan heon Wakantanka wopida ewakiya. Wicacante tonana hena iye Christ waštedakapi kin yuhapi kte cin okihipi sñi eca hetanhan wicanagi wan atakuni sñi ee eya woyakapi kin he nanhonpi ecee, qa wicokicize hececa ayušanpi kinhan iyepi on Wanikiya taopi qon he takodaku lica tipi kin en iyeyapi kta. Makijehantanhan woyakapi tawa kin he tohinna dehan Okodakiciye Wakan kin towiyukcan qa mikocanye tawa kin henakeca yanke sñi, dehan iyena yanka, ošpayetonton otakodakiciyapi qa wocantešica akipapi qa iyotan-iyekiyapi kin, qa Christian makoce heca qeyaš icunhan kekto-pawinge ota Wakantanka caje kin ikceya nañonpi ecedan qa Wowapi wakan kin he hintunkakanpi yawapi. Woyawatanka šahdogan wicašta henakeca Wanikiya wan yuke cin he tohinna nañonpi sñi! Decetu kin icunhan Okodakiciye kin he tawoecon kin hena ecedan en akicican-  
gawa abinin un kinhan he eciyatanhan wakan wicabduhe cin he wanji Wakantanka eciyatanhan wowahokonkiye ewakiye cin a-namagoptan sñi e weksuye sñi, unkan heon Wakantanka wopida ewakiya. Wicacante tonana hena iye Christ waštedakapi kin yuhapi kte cin okihipi sñi eca hetanhan wicanagi wan atakuni sñi ee eya woyakapi kin he nanhonpi ecee, qa wicokicize hececa ayušanpi kinhan iyepi on Wanikiya taopi qon he takodaku lica tipi kin en iyeyapi kta. Makijehantanhan woyakapi tawa kin he tohinna dehan Okodakiciye Wakan kin towiyukcan qa mikocanye tawa kin henakeca yanke sñi, dehan iyena yanka, ošpayetonton otakodakiciyapi qa wocantešica akipapi qa iyotan-iyekiyapi kin, qa Christian makoce heca qeyaš icunhan kekto-pawinge ota Wakantanka caje kin ikceya nañonpi ecedan qa Wowapi wakan kin he hintunkakanpi yawapi. Woyawatanka šahdogan wicašta henakeca Wanikiya wan yuke cin he tohinna nañonpi sñi! Decetu kin icunhan Okodakiciye kin he tawoecon kin hena ecedan en akicican-

gawa abinin un kinhan he eciyatanhan wakan wicabduhe cin he wanji Wakantanka eciyatanhan wowahokonkiye ewakiye cin a-namagoptan sñi e weksuye sñi, unkan heon Wakantanka wopida ewakiya. Wicacante tonana hena iye Christ waštedakapi kin yuhapi kte cin okihipi sñi eca hetanhan wicanagi wan atakuni sñi ee eya woyakapi kin he nanhonpi ecee, qa wicokicize hececa ayušanpi kinhan iyepi on Wanikiya taopi qon he takodaku lica tipi kin en iyeyapi kta. Makijehantanhan woyakapi tawa kin he tohinna dehan Okodakiciye Wakan kin towiyukcan qa mikocanye tawa kin henakeca yanke sñi, dehan iyena yanka, ošpayetonton otakodakiciyapi qa wocantešica akipapi qa iyotan-iyekiyapi kin, qa Christian makoce heca qeyaš icunhan kekto-pawinge ota Wakantanka caje kin ikceya nañonpi ecedan qa Wowapi wakan kin he hintunkakanpi yawapi. Woyawatanka šahdogan wicašta henakeca Wanikiya wan yuke cin he tohinna nañonpi sñi! Decetu kin icunhan Okodakiciye kin he tawoecon kin hena ecedan en akicican-

Tukten ošpaye wan unpi qa etanhan Bishop kin dena taku kin owicakiyapi qon he Winyan Omniciye kin Yewicašipi wawokiyapi kin heepi. Hekta ehake waniyetu icyamni ca omniciye unyuhapi kin en winyan omniciye kin mazaska 82,000 elpeyapi, unkan Canicipawega kin olidateya cunksiwicayapi kin dena wicota iye tawacinpi kin ekta iyecinka wošnapi wicohan de econpi kin on, "tohanyan taku

okihi kin iyehanyan ecen econ" ce unkeyapi kta unkokihipi.

Miniwanca sanpatanhan yewicašipi yewicunyanpi kin hena nakun ociciyakapi kte cin oiye-hantu bduhe sñi, Tona awihununi-pi kte cin hena ekta Wakantanka Cinhintku etanhan wotanin wašte kin adapi kin unkiš ecen econqonpi. Christ kin on oiekiton wicaduhapi qon unkiš heca wicunyahapi. Qa Iye Tokiconze kin en wicanagi omnawicayayapi qa on widuŝkinpi kin unkiš on wiunyuŝkinpi. Wicacaje kin dena Boone, Payne, qa Auer qa toktokeca yewicašipi kin en waditakapi kin hena mazaska iyotan wašte qa otebike cin iyecen wicunhdawapi; qa Wakantanka wicacehi wan teca qon etkiya unkitawacinpi kin iyopte ca on Wahošiy Wakan toie qon unkiš wicota iyecen unkeyapi ecee, "Christ wotanin wašte tawa kin he iwahokonwicawakiye sñi ehantanhanš woiyokišice en maun."

Omaka 1863 qonhan wayaka woyawa tanka tob American en tawašiya unpi kta e ewicahdepi. Qa oyate ehna wayaka unpi qon owas kaatanin sñi iyaye. Akicita oitancan owicohan de okihun-kiyapi. Ehanna woeye wan yanke ciqon, "Wicatanan wiyopeyapi kte cin he tuwedan anapte kte sñi e wicaštayatapi kin keye qa ohnayan wanapte kta e wiyeya un" ce eyapi woeye qon hee ca tawašiyapi woyatanin woeye kin on pajujupi. Hecen on etanhan Joseph token hunkawanjitku ewicakiye cin unkiš iyecen Wayakapi kin on unkeyapi kta unkokihipi, "Niyepi kin šice kta e on econ wacannipi, tka Wakantanka wašte kta e cin." Wayaka yuke qonhan wayaka kin ee qa Itancan tawa kin napin tipi wakan kin ekta cekiye ipi ecee, tka wanna tawašiyapi kta ewicahdepi qonhan kakipukankiya onnyanpi—qa "Woohoda heca ocon onajin" eyapi kin iyepi cokaya hiyu qa taniyakasanni Christian hecapi qa taniyakasanni wawihaltedašni heca ihdutaniŝpi, qa oyate tawašiya ewicahdepi kin on taku ikceya qa wowapi oiyołpeye owicohan on toki yuza nun tanin sñi wicakuwapi qa tokatakiya token yapi kte cin he ekta etonwanpi kin oiyołpasya wanke. Tka itokaga wicašta kin de taku kin en etonwanpi qa econpi kta iyecceca qon he akibdezapi, qa Yewicašipi tawicohan kin econpi, qa nakun owayawa wan tuwekašta iyowicawaja kin heca yulidog ewicakihdepi, qa anpetu kin dehan wašicun šapa tawakanheja kin 1,460,000 henakeca owaonspekiye en onspešiyapi. Hekta omaka 1870 qon hetan qa dehanyan itokaga wicašta kin makobašpe akešakpe etanhanpi unkan Hasapa tawacinca kin de waonspewicakiyapi kte cin on mazaska woyawa tanka opawinge

wanji on awicayusotapi. Unkan Jesus Christ wotanin wašte tawa kin heon wowiyukcan dececa qa nakun hecekececa ota on asniyepi-ca. Unkan woawacin dececa kin dehan ota kin on "Ethiopa Wakantanka ekta ohankoya nape hdugate kta."

Hehan ito, Ateunyanpi kin he cincawicaye qeya Haikcekcekapi e wiciyoepayapi litawani qon heon iapi tonana epe kta wacin. Oyate wan Haikcekcekapi kin de wašicun ska oyate kin onšiwicadapi kta wanice, token Ahab, Naboth maga wan ki, qa on iapi wašte akiyuhe sñi qon iyecen. Qa ota oyate otokaheya miniwanca kahda etipi Atewicayapi qon token eyapi ecee kin iyecen unkiš unkeyapi, qa Hivites qa Jebusites kin hena Itancan kin wakanpi tawawicaye cin itokab kahabiyewicaya po unkeyapi ecee. Tohan otokaheya wicehna litawani qonhan taku tona tanyan iyomapte kte sñi kin owasin mitokab hiyeye, wicokakije qa wocacin ibošake hena ee, tka hecen oiyołpasya wanke qon he etanhan wanna iyoyanpa atanin. Hekta waniyetu wikcemna topa qonhan waziyata-wiyolołpeyata makoce kin de tinta qa conšoke cin napin en wakteahti iakipapapi qon onaliŝice, qa wašicun kin Dakotapi kihdapapapi kin ob kicikepi qa wicawe on makoce kin yušanpapi, hena hekta waniyetu opawinge ikiyedat heehan tahunkakepi kin ob onnyanpi tka miniwakan qa iye tolianpi on ecinšniyan waonspekiyapi qon hena eciyatanhan atanin qon ee, qeyaš hececa ešta wanna en decen wanyagpica, Wakantanka wopida qupi nunwe, wicašta Haikcekcekapi qon Wanikiya opewicakiton qon Tipi Wakan kin ojugjudan Itancan tawapi kin siha kin itokab yankapi, qa iye oyate kin etanhanpi e wicašta wakanpi e Aguyapi wiconi kin he wicakiyušpušpupi. Hena ataya Dakotapi qeyaš tonipi kin Christ en nakihmapi. Ikcewicašta ehna wanna tohanyan wicohan wanke cin he hanyecokaya kin hetanhan ye ca tokaheya anpao hinape cin he tohanyan icitokeca qon he iyecen hekta waniyetu wikcemna topa qon he hanyecokaya qon hee, qa dehantu kin iš wanna anpao qon hee; iho hecen ikcewicašta ehna nakahaš wanna tokaheya wicohan kin oiyeeye kin iyehan najinpi. Dehan taku cinpi lice cin he Wakantanka owicakiye kte, qa wicašta nakun owicakiyapi kte qa wašicun wicohan kin qa makoce unkitawapi en token ocon unyuhapi qon he ohnayan, hecen tona wankantu-yapi, qaiš hukuya unpi ešta hena oyanke iyakidecen hduhapi kte. Oiyołpasya wanke cin de ehna Wakantanka Woniya Wakan tawa kin he onnye ca "Oyate wan wiconŝe ohanzi makoce en on-

yanpi qon hena iyoyanpa tanka wan wanyakapi." Omaka 1897 qon he en Ikcewicašta kin ataya 230,000 henakecapi qa Alaska ekta unpi kin hena ko wicunya-wapi sñi. Unkan he etanhan 23,574 henakeca Okodakiciye Wakan unkitawapi kin en Wotapi Wakan ieu un kin hecapi, qa 35,681 henakeca wowapi yawa okihipi, qa 23,000 wakanheja henakeca owaonspekiye en unpi, qa Ikcewicašta kin iye icyumnyan aketob kiciktepi, qa Ikcewicašta kin wikcemna tob sanpa topa wašicun wicaktepi, qa tonakeca iapi qon he akam iyeya 268 henakeca wicatonpi, qa makaošpe 348,218 henakeca Ikcewicašta kin ojupi, qa taku icaliyapi qa wiyopeyapi kin on mazaska 1,033,047 henakeca kamnapi. Yewicašipi wicohan kin he tohinna atakuni sñi aye sñi. Christ litakinipi kin he tohina atakuni sñi aye sñi. Taku Wakan sdonyapi sñi tamakocepi kin ekta wicanagi tankinkinyanpi qeya wiconi tawapi kin eelipekiyapi e unkicantepi kin en owa yanke ciqon hena woatakuni sñi qon heca hwo. Hiya, hena woohiye kin ohiyapi e owa yanke do! Ege oyate wan Christian hecapi unkan tonakeca Taku Wakan sdonyapi sñi qon hena wickaonspepi kta unkan Christ codan econpi kinhan he atakuni kte sñi.

Yešipi wan Iyotan tanka e maka kin de sdonkiye ciqon he Jesus Christ kin hee, he hukuya hi qa maka kin de woalitani on aiyołpasya wanke, qa wiconŝe yuke ciqon he etanhan opekiron. Wakantanka tawakanheja kin wicakakije ehna unpi qon owicakiye kte qonhan Iye Cinhintku kin iyepi on wiconi elpekiye qon heciyatanhan woptecašniyan wašte-wicadake cin he wicakiciyušan. Hecen Wakantanka token tanyeli sdonyapi qa okalinigapi kta wicašta kin wookihi yuhapi qon ho ohinniyan Jesus Christ ite oyuzo tawa qon hen akitapi kta, unkan hen wowastedaka tawa kin, qa waowicakiye kta e wiyeya un kin, hena maka kin de en Wakantanka yuatanin ehde, ecin Iyo Wowastedaka kin hee kin heon. Ho hecen Iye tona wašewicadako cin hena unkiš wašewicundakapi sñi ehantanhanš tohina Iye wo-waštedaka tawa kin he unkicantepi kin ojudan un kta okihi sñi. Heon etanhan Christ ikiyedat hiyuunkiciyapi kinhan hehan Yewicašipi wicohan kin de mahetuya waštedaka unkohipi kte. Hecen Okodakiciye Wakan kin he Pa kin Christ hee hecinhan wicohan wan econ kta e kiciyanke cin he Yewicašipi wicohan on litani kte cin hee; qa he econ sñi ee token ocon wan ohna oihduheye cin he ecedan tanyan econwacin qaiš oihduze tawa kin owanyag wašte kta e hecehnana en etonwan škan kinhan hehan Sardis



ekta Okodakiciye token owakiye-  
pi qon is iyecen eciyapi kta,  
"Wicacaje wan duha, qa ni yaun  
tka nifa." Wakantanka he wo-  
wastedake kin hee hecinhan qa  
Iye Cinhintku kin he eciyatanhan  
Iye cincawicaye cin he unkiyepi  
hecinhan, Okodakiciye Wakan  
Owancaya kin de en Wowicake  
qa wicohan ocon kin yuha naun-  
jinpi kta, qa ege isna on eiciton-  
wanpi, qa wowalitedapi sni qa  
wakinicipi hena wicohan kin wi-  
conitawa kin ohnayan sni, Oko-  
dakiciye Wakan kin he cokaya  
Christ wowastedake tawa hduha  
nagin kin iyecen unkiš Iye wo-  
wastedake tawa kin uncantepi  
kin ojudan yuha naunjinpi qa  
hetanhan on wicaša owasin ekta  
woape yuha wawoounkiyapi kta.

Mihunkawanjipi, unkitonipi  
kin unhduwakanpi, qa wopeki-  
tonpi tawa kin ohnayan maka  
opeunkitonpi kta e owasin wita-  
ya ospayetonyan wicohan unku-  
wapi kinhan heciyatanhan Oko-  
dakiciye yuškiškapi kin asniyan  
unkokhipi kta, qa hunkawanji-  
dwicunyanpi kin hena wicunhdu-  
zapi qa niwicunyanpi kta e škin-  
unkiçiyapi kinhan hehan Okoda-  
kiciye obe toktokecapi kin hena  
en oitanecanyan najinpi qon hena  
wicanagi onsike cin hecapi qa  
nakun ia okhipi sni e he sdon-  
unkiçiyapi kta.

Waayatapi kin hena itokab un-  
kokiyakapi, qa heyapi, oanpetu  
ehake kin hena en tona Wakan-  
tanka awacinpi sni, qa wacetun-  
hda yuha unpi qon hena owasin  
Christ Tokiconze kin en yuwita-  
ya ahiyolipeiçiyapi kta keya un-  
kokiyakapi, qa waayatapi kin he  
nakun wanji hecen unkokiyakapi,  
tona Wakantanka wicadapi kin  
hena cantepi kin owasin owanjid-  
an tokatakiya kaduswankapi kta  
e aiyehantu wan yukan keya un-  
kokiyakapi, qa Canicipawega qon  
heon token ieyanpahapi qon he  
nakun iyecetu, takudan itokeca  
sdonyapi kte sni tka oyaš Christ  
icipaweli okatanpi qon hecedan.  
"Tona ksapapi kin hena okoton-  
yan wiyatpa kin iyecen wiyatpa-  
pi kta, qa tona wicota wicayuo-  
wotanpi kin hena wicanłpi iyece-  
capi kta, ohinnian qa owihanke  
wanica."

HYMN 101...Arimathea.  
Tucker.

- Ogligle kin henake  
Inyan heyab icupi,  
Na wiconçe kin he  
Woohiye ayušan  
Alleluia, Alleluia,  
Christ anpetu le najin.
- Wicašapi kin wanna  
Wanikiya ayušan  
Wanyaka yo etan  
Akantusniyan gliou  
Alleluia, Alleluia,  
Christ anpetu le najin.
- Seraph ogligle ko  
Owas akisapapi ye,  
Woyatan ohinai kin  
On yatan lowanpi ye  
Alleluia, Alleluia,  
Christ anpetu le najin.
- Maka onn sni ekta  
Ho wašte kin henake

Iyowaze kte cin he  
Ataya atanin kta  
Alleluia, Alleluia  
Christ anpetu le najin.

5. Ateyapi Wakan kin  
Cinhintku Wakan nakun  
Na Woniya Wakan ko  
Yamni el wanjipila  
Alleluia, Alleluia  
Christ anpetu le najin. Amen  
—Hy. F. Wood.

Cheyenne River Mission el Winyan-  
omniciye oitancanpi kin.

#### ST. JOHN'S—

Mrs. Nora Hokšila, President.  
Mrs. Mary Yardley, V. Pres't.  
Mrs. Lucile Larabee, Secretary  
Mrs. Mary Kingman, Treasur'r  
Mrs. Two Tails, Tiyopa A.  
Mrs. Fastner, Wamnaye.

#### ST. PAUL'S—

Mary K. Gabe, President  
Annie Imaniwin, V. Pres.  
Dora White Horse, Secretary  
Jane Garreau, Treasurer  
Emily Rantela, Wamnayo  
Mary Ptehincala waštewin, Ti-  
yopa A.

Lucy Lee, Wayazan A.

#### CALVARY—

Angelique Pte nonpa win,  
President  
Anna Belle Cangleška win, V.  
Pres.

Emily Sihalmi, Secretary  
Mary Slayamani, Treas.

#### ST. STEPHEN'S—

Elizabeth Tašina inapo win,  
President  
Lucy Anpetu ojanjan win, V.  
Pres.

Secretary

Mary Tamalipiya, Treas  
Sophia Paza najinwin, Wa-  
mnaye

Emma Malipiya tokeca, Tiy-  
opa A.

#### ASCENSION—

Annie High Eagle, President  
Amy High Eagle, V. Pres.  
Louise Hall, Secretary  
Alice Wapaha, Treas.

#### ST. JOHN'S Yuwitaye Omniciye kin—

Mary Yardley, President  
Annie High Eagle, V. Pres  
Anna Belle Cangleška, Secret'y  
Elizabeth Tašina inapo win,  
Treas

Mary Gabe, Wamnaye.

#### VIRGIN CREEK—

Carrie Taceji sapa, President  
Cecelia Tunkanla, V. Pres  
Louis Kipanla, Secretary  
Mary Mastincala wašte win,  
Treas.

#### EMMANUEL—

Carrie Cetan winla, President  
Sarah Pejihuta win, V. Pres  
Annie Bagola, Secretary  
Mrs. John Frazier, Treas

#### ST. THOMAS—

Fannie Tasagyegiwin, Presid't  
Carrie Tokeyamaniwin, V. Pres  
Jessie Tacannonpawakitawin,  
Treas

Josephine Kiktewin, Secretary

#### EMMANUEL Yuwitaye Omniciye kin—

Sarah Pejihutawin, President  
Carrie Tacejisapa, V. Pres  
Annie Bagola, Secretary  
Jessie Tacannonpawakitawin,  
Treas

Fannie Tasagyewin, Tiyopa A.

#### ST. LUKES—

Louise Mininaškanškan, Pres  
Carrie Winyan wašte, V. Pres  
Mary Wanblišuntopawin, Treas  
Frances Wasusna, Secretary  
Hannah Tocaonpa, Tiyopa A.

#### ST. ANDREW'S—

Mary Winyan wašte, President

Alice Tašunkeluta, V. Pres  
Annie Tohemaza, Secretary  
Agnes Ptesan kinapo, Treas.

#### ST. MARK'S—

Tawacin Wašte, President  
Annie Tusweca, V. Pres  
Secretary  
Treas.

#### ST. ANDREW'S Yuwitaye Omniciye kin—

Nancy Ptesan nonpa, Presid't  
Mary Wiptesa, V. Pres  
Annie Tohemaza, Secretary  
Louise Mini naškanškan, Treas  
Annie Tusweca, Tiyopa A.

#### WOTANIN IKCEKA.

Spaniola makoce hee cin el  
oyate kin wokiconze tawapi kin  
yuptanyanpi kta cinpi United  
States oyate unpi kin iyecel Re-  
public wanji kagapi kta cinpi.

Filipino kin kiei okicišicapi na  
kicipajinpi naceca lakaš lecala  
Aguinaldo itancan okihe tawa  
wan ktewicaši keyapi.

Texas ekta wakpala kin hena  
aminitan kin on wicaša ota ŋapi  
na woyuha mazaska woyawa tan-  
ka wanji kipiya ihangyapi.

Sioux Falls ekta Takapsicapi  
(Base Ball) kin icunhan koškala-  
ka wan tapa on apapi na ktepi.

South Dakota el talicašunka  
hin yušlapi kin on lila ota yuzapi  
na etanhan tanyan wakamnapi  
kta.

Bohemia oyate ewicakiyapi kin  
etanhan hekta waniyetu wikce-  
mna yamni sanpa wanji South  
Dakota makobašpe el hipi na  
ehantanhan oonyanpi, hecel le-  
cala Tyndall, S. D. el wokiksuye  
wan econpi.

Kangi wicaša, Crow Agency  
etanhan Oglalata iyayapi icun-  
han Wyoming el talica kutepi.  
Walehan tuweni hecon kte sni e  
wowasukiye yukan. Wooke ki-  
caksapi kin on Wawoyuspa owi-  
cayusapi kta ca kuwa awican, na  
Paha sapa itahena wicakiglegapi  
na owicayusapi kta icunhan  
Kangi wicaša kin hena naiejjinpi  
na Wawoyuspa kin hena wicaki-  
zapi kta škanpi keyapi.

Edgemont, S. D. el wokage tipi  
tokeca wan kagapi kta oyakapi.  
Maza canku kin can glakinyan na  
maza aeonpapi kin ecana ponpon  
ece, tka lehan maza to šloyapi na  
can kin hena oputkanpi kinhan  
tehan suta ee eyapi. Heceł otow-  
we kin he el can kin heca maza  
oputkanpi tipi heca kagapi kta.

Lakota makoce kin el el wowa-  
pi oyujuju tipi yanke cin hena el  
wicaša iyohila wowapi gliyohipi  
eee, tka wašicun otowwe tanka  
kin el wowapi toksu wicaša yu-  
kanpi na hena tiyaza wowapi  
toksupi. Hekta lecala otowwe  
lehanyag tipi kin is eya tiyaza  
wowapi towiekiksupi kta iyuta-  
pi, na wanna ocon wašte ee  
eyapi na letanhan tokata wicohan  
kin he sanpa icagin kta na ohan-  
keta wicaša oyasin iye tipi kin el  
wowapi wicakicahipi kta iyu-  
keanpi.

Lecala July 23 qon he ehan wi-  
caša wan Robert G. Ingersoll,

eciçyapi he ŋe. Wicaša kin le ni  
un icunhan tokel okihi ka Wo-  
wapi wakan kin he otuya aie.  
Wanna ŋe cin on tokeltu hecin-  
han slolye iteka.

Gen. Alger, Akicita eciyatan-  
han Tunkanšila okihe kin wanna  
enakiye, ca New York otowwe  
etanhan wicaša wan, Elihu Root  
eciçyapi he tohe qupi.

Minnesota makoce kin el Ha-  
hatonwan unpi kin etanhan wica-  
ša wan Hiblaska eciçyapi he taku  
iyokipi sni na on canze ee eyapi.  
Wašicun el unpi kin hena  
habwicayewicapi qon he wi-  
tona akipe wicaši kin na inalini  
econpi sni kin he iyokipi sni kin  
hee.

South Dakota el wotanin wo-  
wapi kagapi kin hena lecala  
omniciye wan Clear Lake, Ia. el  
econpi na oitancan wicakahiga-  
pi. Nahan tokata waniyetu kin-  
han Sioux Falls el mniciyapi kta.

South Dakota State el Owaya-  
wa otanhan Waonspekiyapi kin  
lecala Hot Springs, S. D. ekta  
Omniciye wan econpi na hel opa-  
winge topa el hipi keyapi.

Minisoše na Paha sapa iyoko-  
gna talicasunka icaliwicayapi kim  
he sanpa lila ota econpi.

Ake bloketu kin le—July wi  
wiyawapi tokaheya etanhan No-  
vember tokaheya kin hehanyan  
—Omaha otowwe kin he el Wa-  
pazopi tanka econpi. Blokehan  
Ikcawicaša ota hel awicahipi na  
tuwepi kaša waci wicašipi qon  
ake lehan sam ota el yewicayapi  
na lila škal wicašipi kta eyapi!

France makoce kin el Akicita  
itancan wan, Captain Dreyfus  
eciçyapi kin on woškiske yuhapi.  
Hekta qon woiyaonpe kieagapi  
na yasupi na heon wicohan tawa  
kin kipi na lehanyag yeyapi na  
hel kakikiçiyapi. Iyunkan itaye-  
na taku iyaonpapi qon he wowi-  
cake sni hunli eciçpi na kuwapi  
kin on ecel lehan piya iwanyaka-  
pi. Hunli nahali he wowicako  
kecinpi tka ake lehan piya yasupi  
kta škanpi na ake heon tanyan  
wacinkiciyuzapi sni. Eya wo-  
winawizi on ehpeyapi qon iyu-  
keanpi, lakaš tokaheya yasupi  
qon itahena akicita itancan wan-  
jigji iciktepi na hunli wicayasupi.

Wakpašica ekta wita etkiya  
ceyagtonpi wan kagapi ee eyapi  
na he ogna pte waniyanpi heca  
iyayewicayapi kta.

Canton, S. D. otowwe kin he el  
wacingnunipi otipi kta e kagapi  
kte cin he inyan on kagapi kta  
tka econpi hecinhan mazaska ota  
yusotapi kta hecel maka špan kin  
on kagapi kta. Hehan Ikcawi-  
caša 250,000 etanhan wikcemna  
zaptan sam šagloganna wacin-  
gunipi keyapi.

Pennsylvania obašpe kin el wa-  
šicun wan taku tanyan econ.  
Bloketu eca wicaša wakan, otow-  
we el škanpi kin hena okilipo  
cinpi tka, wiši ota sni, na is taku  
on tokanni toki asniçiyapi yapi  
sni. Heceł wašicun kin he to-  
wijee kin on wicaša wakan  
watukapi kin owicakiya na lila  
pilawicaye.